






PAUL VAN DER SLOOT LAGA DEN LIBERTAD

Awe pa 1'or Steve Croes tambe lo sali liber



ORANJESTAD (AAN)— Ayera mainta, e cinco sospechosonan deteni en relacion cu e caso di Natalee Holloway a presenta dilanti di Huez Comisario, kende mester a dicidi si ta prolonga nan detencion, pero tambe pa mira si tabata legal y legitimo e detencion di Paul van der Sloot. E Huez Comisario a haya cu pruebanan di Ministerio Publico no ta suficiente pa mantene durante Paul van der Sloot mas tempo cera y ayera pa 7'or el a ser laga den libertad. Pa loke ta trata e otro detenidonan, e huez a dicidi cu e rumanan Kalpoe y tambe Joran van der Sloot lo mester keda cera un siman mas pa asina sigui cu e investigacion. Na otro banda, el a dicidi cu Steve Croes, DJ di Tattoo lo recupera su libertad awe pa 1'or di atardi, ya cu den su caso tampoco huez comisario ta haya cu tin pruebanan pa lague mas tempo cera.

Cu boto di Search & Rescue, grupo di Texas a bay sondea den lama




ORANJESTAD (AAN)— E grupo cu a bin for di Texas pa yuda den e buskeda di Natalee, Diasabra atardi hunto cu Search & Rescue a sali cu basta aparato special pa sondea y tambe equipo di dive pa asina bay cuminsa climatiza un poco cu lama di Aruba. Ademas di busca den lama, e grupo a bin cu otro tres cacho pa asina tambe busca ariba tera. Awe cu ayudo di Cruz Cora y tambe militarnan, nan lo sigui e buskeda rond di nos isla.

Awe pa 1'or Steve Croes ta bay liber

Ayera Huez Comisario a laga Paul van der Sloot den libertad

Huez Comisario ta haya cu pruebanan di Ministerio Publico no ta suficiente



huez comisario.

E ora ey, tur cos a worde cambia pa Diadomingo mainta unda ya caba for di 7'or tabata tin prensa tur rond di Corte, mientras cu pa 9:45 am, e prome sospechoso mester a presenta dilanti di HC.

Tur sospechoso, ya den careda di 9'or a yega cada uno separadamente pa asina no tin contacto cu otro. Asina durante henter dia, abogadonan tabata tey unda nan a keda practicamente henter mainta y den careda di 3'or, ora cu e ultimo sospechoso, P. v/d Sloot a worde hiba back warda door di polis.

Pafor prensa a entrevista e abogadonan unda a bira conoci cu Steve Croes lo bay cas awe merdia 1'or.

E otronan, huez no a duna un decision mesora y despues di a bay studia un rato riba cada declaracion el a tuma un decision caminda cu el a dicidi cu e rumannan Kalpoe y tambe Joran van der Sloot ta keda cera.



Den e caso di Paul van der Sloot no a ser prolonga su detencion y a base di su prome prolongacion el a keda den libertad ayeranochi banda di 8'or, pero prome cu 7'or di anochi fiscal a duna Ok pa e bay liber.

Su abogado, mr. Arie Swaen tabata presente na warda di polis di Noord unda el a bay busca su cliente. Di eynan, nan a sali bay na e cas di e famia van der Sloot unda tabata tin un avalancha di miembronan di prensa, mescos cu tabata e caso na warda di polis.

E abogado y su cliente, mirando e cantidad di prensa cu tabata amontona eynan dilanti di su cas, nan a lora back y somenta.

Mirando e decision di e Huez Comisario cu a bin di Curaçao, ta cuminsa parce cu Ministerio Publico y esnan cu ta atendiendo e caso, no tin pruebanan suficiente riba e caso te pa bisa cu tin un solucion na caminda.

DIARIO ta sigui vigila e caso aki di cerca unda no ta descarta cu tin mas di e sospechosonan cu por haya e libertad.



ORANJESTAD (AAN)—
Manera ta conoci, Diasabra

den oranan di merdia, e cinco sospechosonan, e tata Paul y su yiu Joran van der Sloot, rumannan Kalpoe y tambe e DJ di Tattoo, Steve Croes mester a presenta dilanti di Huez Comisario pa asina e atende cu nan y mira si ta prolonga nan detencion, pa despues prolonga esun di e cuatro hobennan y tambe mira si ta legal y legitimo e detencion di Paul van der Sloot.

Diasabra nada a sigui, tur cos a worde cancela pa motibo cu tabata tin fayto tecnico cu e avion cu mester a bin trece e


Cu boto di Search & Rescue grupo di Texas a bay sondea den lama



ORANJESTAD (AAN)—
Diasabra den oranan di atardi, e boto di Zee Leeuw di Search & Rescue a sali cu basta aparato special pa sondea y tambe equipo di dive hunto cu tres miembro di buskeda cu a bin for di Texas

pa asina bay cuminsa mira con e lama ta y climatiza un poco cune. Nan a bay mes o menos entre un miya pa dos miya pabao di Lighthouse. Despues cu solo a cuminsa baha nan a bolbe unda nos a conversa cu nan y

por a saca afor cu nan a bay pa cuminsa tira un bista ariba e zona y mester a sali back ayera diadomingo cu un boto di Red Sail pa asina baha cu tanki y mira hunto cu e mashin di sondeo kico nan por haya relaciona cu e



desaparicion di Natalee.

Den conversacion cu nan nos a saca afor cu no tin speranza di haya Natalee bibo pero ta haci tur esfuerzo pa asina por bisa cu a haci tur lo posible pa no laga ningun duda cu cierto cos no a worde haci pa fogra haya e mucha muher mericano.

Ademas di ta buscando den

lama e grupo ta buscando tambe ariba tera, cu otro tres cacho cu a ayega. Nan a busca na dump, den damnan, patras di e faro y awe mainta nan lo sigui cu e yudanza di Cruz Cora y tambe niilitarnan kendenan lo traha den diferente grupo cu lo sali pa busca na varios parti di nos isla.